

# VENETI in Movimento

## PAR ŁA INDIPENDENSA DEŁA VENETIA



Conejan (Trevixo), li 01.03.2007  
Relatore: Ivan Salvador – Vitorio Veneto (Trevixo)

### Storia

#### **In nome de san Marco, in nome dea libertà , in nome dea dignità.**

Quando Roma nasse al veneto era zà rapresentà in tee carte geografiche de allora, in queste stesse tere che vivèn nialtri incò, vivea un popoeo che al se ciamea e al continua a ciamarse " VENETI" ..

Nialtri Veneti che sen ligadi spiritualmente a san Marco, incò pi che mai ven bisogno de vardà a lù come esempio, un òn che avea dee regoe de vita e l'e stà de esempio par chealtri ,de nialtri Veneti l'e al nostro protetor : questa l'e storia veneta. Par farne desmentegà la nostra storia i prova in tute le maniere ,ma no iè boni de scanceà la nostra identità, lè na storia che se ripete de sempre, un popolo al zerca de sotomèter chealtro, in tel nostro caso jè stati fortunadi , parchè ja trovà zent che pàr tradizhion, a fiducia dei goernanti che i dovarie ministràr pensando al domàn de tuti quanti, e no sol che al soo. Sen un popoeo che riven da lontàn e col nostro proverbiae bon senso frontèn stò periodo de magra colonizazion co dignità, ma apéna posibè tornarèn a ciorse i nostri vaeori / le tradizhion / la libertà/ e la sovranità dea nostra tera.

La storia veneta l'e stà un percorso continuo e gaivo ,fàt dai nostri avi dove le prime testimonianse le dis che i Veneti i esiste da l'età del fero ( 800 ani vanti Cristo ) e se parla de boni comercianti, navigatori ,contadini in grado de alear bestiam e de aver vari tipi de colture. I veneti, diventa aleàdi dei Romani finchè riva la fine de l'impero roman, na parte deła popoeasion se refugià inteła laguna , e col temp nasse la Serenissima Rep. de Ven. , nathion che ha riunì i Veneti dandoghe na patria , na bandiera , na lengua , l'orgoglio de esser un popolo contènt , una storia longa e bea che merita tanta atensìon. . magari in tee scuoe, eora succede che altri come mi se inamora de la so tera e dea so patria, e al cuòr no se ghe comanda.

In tel 1500, la nostra lengua la era parlada in te le ambasiate e doperada in tei scambi comerciai de allora, la nathion Veneta era par tuti al faro de civiltà, patria de siensiati e artisti, erènsi invidiadi dal resto del mondo e zà allora esportesi la roba pì preziosa che ven dentro de nialtri, la voja de fàr ,de costruir par al bèn de tuti .

**VENETI**

via Mare 73 - 31020 San Vendemiano TV  
Via Monti 9 - 36075 Montecchio Maggiore VI  
- [www.iveneti.org](http://www.iveneti.org)

# VENETI in Movimento

## PAR ŁA INDIPENDENSA DEŁA VENETIA



Rivèn int'el 1797 quando i soldadi de napoleon iła invaso le nostre tere , vioeando la neutralità dichiarada daea serenissima, venezia e tut al veneto vièn spojà de tute la so richese finanziarie e artistiche, dai francesi . Soto i austriaci la solfa no cambia, ma almanco l'economia la torna a risoevarse e la sana aministrasiòn asburgica la assa i so fruti dentro i nostri territori e dentro de noialtri. Int'el 1866 co un plebiscito trufa al veneto vien ocupà dai savoia , e scomizia un brùt periodo par nialtri; in pochi ani milioni de veneti ghe tòca emigrar , asàr la so tera e scampàr via.

Tanti i và in tee Americhe , in australia , dovunque , qualsiasi lavoro all'ndea ben pùr de sopravvivere co un minimo de dignità. E l'è proprio la dignità che ha fàt dei veneti la nostra forza, ovunque erensi respetadi pàr i nostri principi e pàr la voja de progredir, confrontandose coe nove popoeasiòn , son convinto che tanti nostri migranti del dì delincò , i tornarie a casa se quà tornese la legaità.

La conceziòn poitica del madioevo veneziàn la è stata doperada dai Mericani che ha fondà i stati uniti, e in te sti ultimi ani ciapada in consideraziòn da illustri poitoeoghi e storici , nialtri come disendenti direti vèn redità pi de tut l'esperiensa spirituae, e l'è proprio questa che ne unise in te sto movimento,anti-coloniàl. La rivaità fra i partiti l'e un màl che porta aea fine dea libertà , oltre che far al dogo de chi che ne vòl màl, par questo l'e nassèst sto movimento che no al parla o aea destra o aea sinistra, ma al parla ai Veneti, ai Furlani, ai Ladini e a tutti i popoli che da sempre condivide sti territori e sta mentalità.

Questa l'e na mobiitasiòn popolar e vòl dir basta a sta soprafasziòn, no sèn bituadi e no voèn bituarse a sto modo de viver senza vaeori, senza regoe, ingiusto e senza libertà.

In nome de SAN MARCO.